

竹

軒

詩

稿

序

余於癸卯冬超京輦往返道途
間問政採風始有述職吟之刻
嗣復裒甲乙兩年作次第授梓
焉因憶向有督饗覲光漠行及
少時有竹軒倡和諸存本忽

幾忘之遂檢舊簾所藏手自刪
削都為一集間一展閱而紙墨
筆痕往事歷々如昨然撫今追
昔盖已或十數稔或且數十稔
矣故嘗繫以詩曰因循愁此日
策勵愧當年為具道其實如此

夫豈沾沾以聲偶之學猥云於
此中自詡素有一得歟爰列茲
刻於集之前凡以循其初志云
爾
乾隆丙午孟夏月竹軒劉秉恬
書於滇南官署

有竹軒分牋目錄

詩六十三首

有竹軒即景

桂

菊

殘荷

蓼花

秋雨

八月十二日路過花市見秋花盈筐停
車買得鷄冠紅白二種携歸因賦

買書

楓葉

秋夜

芙蓉

新月

秋山

鴈字

秋夜蟬聲

初春而後花欄覓句

秋江罷釣圖

畫菊

夕陽秋樹

暮雨寒江

霜林落葉

天半飛霞
空庭夜月
山寺晨鐘
邨舍晚煙
遠浦歸帆
觀劇
晚妝
月下聽促織

晚霞

遠浦飛雲

菊屏

九日對菊

月下對菊聯句

江上月

新秋

晚望

芙蓉新放

秋江晚眺

池塘乳鴨

秋帆

隣樓吹笛

夜泊

賦得梨花帶雨開

江樓晚眺

山居

護殘花

夜坐

掃葉

殘柳

聞雁

和少農裘公納姬四絕句

翦絨菊花

西施

内子十九歲生辰賦贈

春初牡丹

立春

有竹軒分牋

有竹軒即景

離、野菊繞欄栽點綴秋光次第開掩冉林
陰籠翠幙氤氲花氣入瓊杯綠筠籊籊臨風
立粉蝶雙、接翅來坐久軒牕多雅事請看
月色印平臺

桂

桂樹生南海移來獨擅奇芳菲看此日培養
憶當時玉露凝金蕊天香發月枝叮嚀勤灌
溉愛護好風姿

菊

秋花艷々映雕欄朝罷須從靜裏看座上移
來堪入詠籬邊採得足供餐幽姿不懼金風
厲翠葉還凝玉露寒今歲未曾經紫塞花前
花後任盤桓

每年菊
花開時
多扈從
塞外今
年未派
木蘭之
役

殘荷

秋至芙蓉謝
凋零碧沼中
吳姬悲曉月
越女怨西風
葉老猶餘綠
花殘已減紅
彩霞何處去
化作一林楓

蓼花

閒來無事泛輕舟
紅蓼花開兩岸秋
一棹斜陽隨浪去
綠叢深處繫船頭

秋雨

秋來得雨更宜秋坐聽簷前響碧流四壁蟲
聲吟不住琴書相伴一燈幽

八月十二日路過花市見秋花盈筐停
車買得雞冠紅白二種攜歸因賦

數叢秋色插盈筐一段芳菲逗晚香握手喜
看光艷々注瓶欣對露瀼々潭如奩內胭脂
色却似簾前淺淡妝自古花名先品定何妨
品作鳳偕凰

買書

買書載得滿車回
錦軸牙籤砌作堆
吟到三更人不倦
懶聽寒夜漏頻催

楓葉

昨夜秋風至
楓林幾樹紅
只因霜信早
霞散一庭中

秋夜

香泛甌玉茗清
一燈隱々坐空庭
漏殘四

壁人聲寂落葉飛、點曲櫺

芙蓉

颯、西風至芙蓉逗晚芳珠盤凝曉露豔質
麗晴陽得氣姿全吐含羞嬌半藏娟、如靜
女臨鏡始成妝

新月

碧落遙無際澄潭漾玉鉤揚暉能却暑含象
更宜秋纔挂一痕白便增萬里幽花陰旋不

見素影在塘頭

秋山

秋山浮碧落秀色自前橫
雨後容添瘦風來氣愈清
曲蘿環鳥道落葉繞人行
極目憑高望悠悠萬里情

鴈字

一望長空迥絕埃羽書得體也
知裁飛鳴遠向青霄度圖翰遙從碧落開
若點若橫能自

續成行成陣互相催幾鈎草篆雲邊挂知是
秋風促鴈來

秋夜蟬聲

秋來閒聽蟋蟀鳴夜靜更殘尚費聲明月滿
林吟不住涼風振葉韻彌清愛他好潔真能
潔聽此無情也有情枕底往回殘夢醒幾番
惆悵到天明

初春雨後花欄覓句

雨餘新霽曉風寒尋向庭前次第看掃去蒼苔痕尚濕飛來粉蝶翅纔乾碧枝增色侵薺壁嫩蕊含珠暎畫欄好雨知時花木喜寧愁深院落紅殘

秋江罷釣圖

問君何事泛輕舟釣罷歸來散漫遊林木蕭蕭紅葉雨煙波渺渺白雲秋投竿不羨沉淵鯉鼓棹還驚逐浪鷗停泊江邊高卧後半輪

明月照船頭

畫菊

圖成墨菊暗生光一段幽芳氣味長得意態
前隨筆點便聞天女散花香

夕陽秋樹

閃爍秋林上斜陽映太空煙開澄晚碧雲散
布殘紅落葉驚歸雀餘暉送暮鴻長吟康樂
句此意復誰同

暮雨寒江

江天雲氣靄涼雨自瀟灑
能佐三秋景還添
八月潮寒煙籠岸樹流水漲村橋一棹飄然
去塵氛頓覺消

霜林落葉

才于霜林下秋衫落葉侵渾如霞彩散疑是
雨聲沈月上和虛籟風來雜遠砧滿山飄碎
錦飛舞自難禁

天半飛霞

秋來新霽後霞彩麗晴暉山迴餘光徹江深
倒影微凝為赤城氣補作紫煙衣極目長空
望軒、落夕霏

空庭夜月

夜闌聲寂後月色入簷楹影射紗牕白光浮
畫檻明絕無人跡至頻起鵲飛驚此際空庭
裏翛然玉宇清

山寺晨鐘

古寺青霄裏晨鐘夙夢驚韻留空谷遠音徹
衆山鳴曉閣風聲緊霜林曙色晴老僧眠不
穩起對一峯清

村舍晚煙

薄暮荒村裏寒煙鏢夕陽窓前紛漠漠林際
迴茫茫啼鳥聲纔住棲鴉羽半藏釀成田舍
酒醉卧菊花傍

遠浦歸帆

一葉歸雲外孤帆挂日邊汀花縈碧水岸樹
帶晴煙浪急聲掀地桅高影薄天欲尋停泊
處遙指戍樓前

觀劇

一班新子弟扮作古時人苦樂無終日衰榮
只一身形容空想像笑語若精神道是當年
事傳來恐未真

晚妝

竹影散參差深閨麗景遲
淡紅添素艷新黛畫纖眉
坐待冰輪上頻聽玉漏移
妝成無意緒閒折好花枝

月下聽促織

盈、明月夜促織旁人鳴羽藉
金風健音調玉管清沿蘿方
答響拂檻漫吞聲素影浮深
院羅衣頻覺輕

不个車夕夕
晚霞

極目長空望明霞散遠天迢迢明曲渚皎皎
麗晴川瑞彩籠雲鴈餘暉映渚蓮秋風吹不
盡縹緲雜霏煙

遠浦飛雲

白雲飛遠浦搖曳入清幽斷續離秋水氤氲
罩碧流霏霏分復合霽霽去還浮極目煙波
裏長吟興自悠

菊屏

盆菊離、翠作屏氤氲香氣繞中庭參差位
置環齋壁錯落橫陳傍曲櫺風月半牕搖素
影琴書一榻伴芳馨秋花不比春花艷留得
霜枝幹獨青

九日對菊

一夜西風萬象清朝來籬菊盡舒英天台盛
遇當年事綉戶新吟此日情佳節莫交隨意

度好懷須自把杯生只因歲々勤征遠蕭颯
如聞塞外聲

月下對菊聯句

一輪皓魄映東籬竹軒素影參差檻外移人立
芳叢香繞袖琴風花明寒夜露垂枝浮光靄々
三秋晚竹軒淡質盈々九月時不寐小亭閒悵
望琴風清暉冷艷兩相宜竹軒

江上月

渺：秋江上遙看月影生一輪光的皜萬里
色澄明上下幽而潔高低亮以清中流揚棹
去長嘯發歌聲

新秋

玉律因時變金風應候吹山清回暑早江迴
落潮遲桐葉先知信蘭叢未盡衰待將延勝
賞籬畔菊花期

晚望

無事閒憑眺。清秋日暮天。牧人吹短笛。釣叟
汲山泉。晚樹棲歸鳥。寒煙繞泊船。夕陽斜照
處。征鴈挂雲邊。

芙蓉新放

織出天孫錦。如霞挂碧叢。不隨羣卉盡。獨殿
百花紅。艷蕊頻承露。嬌姿不畏風。孤芳誰可
比。惟有菊華同。

秋江晚眺

晚眺秋江上漁人泛釣槎汀花眠白鷺岸樹
集昏鴉日落流餘彩潮平印暮霞縱觀無限
意興寄水之涯

池塘乳鴨

舒鳬遊曲沼弱質體初成翠羽浮波綠花毛
漾水清相依如有約結伴似同盟卵化隨鷄
育胎生各異名

秋帆

扁舟歸遠浦泛渺無邊帆挂侵汀樹蓬開
掠渚煙遙隨雲影度時拂雁行偏秋色江湖
滿長天與水連

鄰樓吹笛

幾聲嘹亮出高樓韻轉悠揚滿耳秋暗逐寒
砧音斷續輕飛落葉調清幽佳人繡戶驚殘
夢遊子空齋動遠愁坐久夜深涼似水一天
爽氣笛中收

夜泊

夜氣沈沈泊客船
江干漁火滿前川
幾行啼雁過寒渚
數點明星麗晚天
落木因風聲瑟瑟
蘆花帶月淨娟娟
來朝解纜飄然去
又挂晴帆萬里煙

賦得梨花帶雨開

素質娉婷欲媚人
輕開濕蕊絕纖塵
寒煙漠漠千枝玉
細雨濛濛幾樹春
嬌似真妃含淚

態淡如玉女洗妝新
梅花謝盡梨花放
應識天工斡運神

江樓晚眺

江村日暮好登樓
萬里煙霞一望收
不盡波濤長滾滾
無邊雲氣自悠悠
岸花搖落隨波遠
釣艇橫斜傍岸遊
憑檻臨流無所事
夕陽影裏數沙鷗

山居

高士家居倚峻巔
春風秋月幾經年
飽餐香蕨聽禽語
渴飲飛泉看鶴眠
隔嶺松杉聲宛轉
沿溪竹樹影便娟
有時日落山光暮
閒數歸鴉古寺邊

護殘花

殘花掩映碧叢中
滿院芳菲未盡空
寄語東風須愛惜
輕狂莫損半梢紅

夜坐

獨坐空庭自適然一牕明月動人憐會心遠
處誰能解靜裏逍遙物外天

掃葉

簾外西風落葉聲幾回欲掃動悲情勸君莫
謂凋零早轉眼當春又發生

殘柳

秋來弱質最先凋簾外西風洗翠條莫道青
黃顏色減輕盈猶學舞纖腰

聞雁

滿天雲樹景悠悠，鳴雁高飛近畫樓。
聽逐寒砧聲斷續，閨中少婦起新愁。

和少農袁公納姬四絕句

高才卓犖少人同，政治文章事不通。
近日吟成桃葉句，珠璣盡在字行中。
風流早許世人知，花與高賢夙有期。
簾內新添和墨者，燈前正好寫烏絲。



海棠初放雨中絲花影紗牕日上遲睡起輕
描眉黛後柳枝一曲譜新詞
翻大雅耐人尋退食從容不廢吟夜靜更
闌聲寂一簾明月賦蘭心

剪絨菊花

秋光妝點絲花新傲骨迎風若有神碎翦輕
綃顏色好一枝瘦影認難真

西施

自古蛾眉勝甲兵盟成嫡女導先聲百年越
社仗巾幗一笑吳宮傾國城消夏灣前花爛
漫姑蘓臺畔月澄明即今茂苑荒蕪後歌舞
長懷故主情

內子十九歲生辰賦贈

煖爐初爇日光遲
恰值當年設悅時
草草杯盤供笑語
勸君莫惜醉金卮
仙葩不似等閒香
瀟洒風姿淺淡妝
十九年

前明月夜嶺南梅樹始舒芳
爐煙裊、遶簾櫳話到平生爾我同多少相
憐相愛意都歸半醉半醒中
雙雀屏開兩月餘蘭閨日、試新書恩情種
種深如海白首還同結髮初

春初牡丹

花名富貴向春榮艷蕊含香帶蒂生醉態低
昂如對語嬌姿摇曳若傳情知同桃李原無

意偏與梅花似有盟
全仗人功催造化得看
爛漫綴紅英

立春

明日恰逢人今朝喜立春
三冬纔易舊萬戶
喜更新旭日輝金闕
條風拂玉津應看桃李
發紅豔鬪芳晨

督饒集目錄

詩二十八首

日爾拉

楸坻

曉晴聞禽聲

春寒

燈花口占

楸坻見牡丹作

西蜀督餉罷職後待罪塞外奏章仍荷
批發誌

恩

聞孟谷積米甚多近漸疏通書寄查觀
察

時辰表

夜雨

詣日爾拉諸處巡視軍儲門勞運糧民

夫疾苦成什

夜坐聽溪聲

楸坻途中口占

詣日爾拉途遇楸坻糧夫訟孟谷米斛

無準既至因親為衡量時於楸坻糧

夫內查出竊米一人量予懲責詩以

誌事

楸坻行館夜深月上半牕對而忘寐思

及轉精人之苦因賦

聞袁少宰愚谷奉使來川余以塞上給
餉不獲一晤詩以代簡

聞姜度香比部奉使來川詩以代簡

恭和

御製賜定西將軍玉韞詩元韻

督饗集

竹軒劉秉恬著

乾隆甲午春仲余以督理征兩金川軍糈
往還日爾拉楸坻諸處時道路初闢惴然
有感受紀其事

日爾拉

蠻山向稱拉日爾名特傳此山無人越不知
幾千年為茲促浸役但浸係金集工開其巔

只因事之急遂忘石之堅工完鳥道見山峯

插雲天西入僭拉境

僭拉即小金川

東即梭木邊

梭木

土司名

山跨兩番界轉饒此稱便峯高雪片大

人從雪裏穿伐木作階梯雪後迹泯然遍山

渾似玉日出色愈蠲雪照目易眩輾轉夜無

眠攀援纔一過已覺費周旋傷哉轉楫者背

負何以前日来雪漸消輓輸差相連乘曉羣

趨事若怵人我先豈不惜筋力祇為博金錢

批發誌

恩

塞外煢々待罪人封章尚許達

丹宸

皇心疊顧還如舊臣職多愆予自新萬里敷

陳真覺遠

九重批答不嫌頻捧觀

聖訓須勤勵敢負如天覆載仁

聞孟谷積米甚多近漸疏通書寄查觀

察

陳々積粟費經營豈為罪々未放晴若輩罔知勤

國是吾心早欲勸君行

聞道儲精已漸通啓函差覺慰余衷此番屏擋真堪美松茂賢勞首論功

時辰表

有物呼曰表能表造物機一日十二時呈報
差不違輪轉走方寸樞紐自相依法健行不
息製度協璇璣包含真廣大具體却甚微始
來自海外近亦徧邦畿遊子攜以隨時々近
征衣朝士攜以隨計刻入禁園袖裏看乾坤
不啻窺日暉信哉人事巧參天亦幾希

夜雨

蠻地常看雪作花雨聲入夜雜筇聲々滴

醒征人夢夢裡奴奴又別家

詣日爾拉諸處巡視軍儲問勞運糧民

夫疾苦成什

往還信宿莫嬾頻目擊真情始見真大吏施
為休獨斷小人疾苦向誰陳殷勤赴事思酌
主敬翼居心貴體民行矣罪々仍榮驕高居
簡出那堪論

夜坐聽溪聲

夜闌獨坐靜無眠
滾滾溪聲繞耳邊
逝者如斯終不盡
眼前至理孰能詮

楸坻途中口占

傍山策馬溯溪流
霽後晴光望裡收
塞外春風同一度
花妍草碧起人愁
揚鞭西指說干戈
試問將軍戰若何
暫駐穹廬連驛路
夜來佇聽捷書過

詣日爾拉途遇楸坻糧夫訟孟谷米斛

無準既至因親為衡量時於楸坻糧
夫內查出竊米一人量子懲責詩以
誌事

楸坻糧夫夾道譁爭言斛斗苦多加我來權
量平如水從此錙銖莫教差

人情變幻本難同告弊誰知弊出中懲一儆
餘官有訓無偏無倚尚虛公

楸坻行館夜深月上半牕對而忘寐思

及轉精人之苦因賦

明月娟娟映半牕夜闌不寐對清光眼前疾
苦頻頻計遑學昔人思故鄉

聞袁少宰愚谷奉使來川余以塞上給
餉不獲一晤詩以代簡

不見山公已越年衣冠戎馬各翩跹忽聞奉
節來西蜀迴想當時意悵然
愁聽夜雨滴空階獨向青燈寫別懷北望平

安書尺素乘風吹送到天涯
萱堂白髮此同情底事匆匆
萬里行跋涉無
非勤

國是從來忠孝本齊名

日來想已度金牛聞說旌旂不久留一抹青
山遮不斷江天雲樹倍生愁

聞姜度香比部奉使來川詩以代簡

都門分袂記當時古寺匆匆勸進卮別後馳

驅無善狀媿書尺素報相知

聞君暫駐錦官城引我年來離索情多少心

懷無處訴短檠低詠到三更

青齊道上共風塵

庚寅冬余曾偕度香

夜々

談心交見真回首當年成往事新情舊雨兩

傷神

髯翁亦是我儕人

愚谷多故云

憶昔同遊向問津

今日與君偕奉使浣花溪畔合生春

恭和

御製賜定西將軍玉韉詩元韻

一羽那堪當百鈞全憑閫外主籌人金酋竄

穴休思逞玉韉彎弓定有神冒雪今勞開壁

壘凌烟重慶盡麒麟

定西將軍阿公先有平定噶夷回部之功業已

繪像遙聞

寵錫來天上感動同心勛力臣

觀光集目錄

詩二十六首

途中口占

過韓侯嶺謁廟

過固關

滹沱河詠古

定州道上口占

過慈航寺弔方制府宮保

入都門作

古北口

山宿

塞行看山

即景

予於戊子年隨

駕至熱河嗣即出師滇南督運川西中間經
歷事故不勝枚舉今於己亥秋詣

行在叩覲

天顏歸程過廣仁嶺屈指計之已忽：十二

年矣撫今追昔曷勝興感因敬和

御製廣仁嶺元韻成七律一章以誌之

即景

已亥秋恭詣

行在叩覲

天顏歸程進古北口記

恩作

見秋田茂盛可卜豐收喜而有作
柳

途中口占

見農家秋田有收作

旅宿口占

路過芹泉驛小憇村傍書室館師聞有
官至先行避去留題

已亥八月詣太原值省試作

乾隆已亥秋

皇上七十萬壽恩科也自八月朔後陰而不
止至諸生入闈之期天忽放晴喜而
有作

次靈石縣

將抵里門作

乙亥重陽日同甄孝廉何二尹率諸子

姪登里東

文昌閣聯句

觀光集

竹軒劉秉恬著

金川軍務於乾隆丙申歲告蕝余以銷筭
軍糈留滯錦城己亥歲奉

命回京旋赴

山莊瞻觀

天顏途次偶有感發輒以韻語紀之

途中口占

甘霖昨夜洗紅塵爽氣朝來最可人客裏關
情須領略一番風雨一番新

過韓侯嶺謁廟

兵家自古多名將獨有淮陰更軼羣背水出
奇收趙幟囊沙設計破齊軍欲延漢祚金湯
固不聽蒯生鼎足分廟宇巍々垂不朽嶺頭
高處護晴雲

過固關

雄關屹立接青雲
兩地封疆到此分
西距蒲平風儉樸
北連燕趙氣氤氲
雨添山色煙中見
風雜河聲馬上聞
跋涉不嫌途路遠
寸心急欲見吾君

滹沱河詠古

漲後橫開十里平
滹沱自古最聞名
王郎小捷何須道
漢主鴻勳久已成
四面環看雲樹

遠中流座對岸花明扁舟一葉乘風度薄暮
陰、正定城

定州道上口占

輕陰天氣薄雲迎夾道垂楊匹馬行即次今
宵何處止清風明月定州城
雲歛新涼暑氣清微風吹似玉山行澄空月
色明千里分外光暉近
帝城

過慈航寺弔方制府宮保

慈航建寺傍河邊垂柳青、古渡前利濟從
今開壽域經綸到處普仁天野花繞砌多生
意水樹環門起晚煙精舍香嚴遺像在依然
丰采似當年

入都門作

巍巍金闕耀晴空帝里風光迴不同感切
主慈何以報丹心翹企紫薇宮

古北口

古北碓關接

帝京

鑾輿秋獮此經行
枕聽潮水如雷響
坐對屏山似翠橫
馬上馳驅多捷報
谷中彷彿有呼聲
而今內外同歸一
長築何須萬里城

山宿

夜靜喧聲寂
山晴爽氣多
徘徊無所事
歷歷

數星河

塞行看山

程途竟日在山中塞外看山迥不同一望青蔥無盡處居然一座翠屏風

即景

青林承赤日翠葉泛金波此景真堪愛吟詩以代歌

予於戊子年隨

駕至熱河嗣即出師滇南督運川西中間經
歷事故不勝枚舉今於己亥秋詣
行在叩觀

天顏歸程過廣仁嶺屈指計之已忽忽十二
年矣撫今追昔昌勝興感因敬和
御製廣仁嶺元韻成七律一章以誌之
皇仁廣被合天施嶺錫佳名協衆思向詣山
莊經此處茲來嶺畔想當時書生扈

蹕從來有儒服從戎豈謂奇
十二年成往事撫今追昔謹書之

即景

塞外初秋爽氣迎天高山碧水潭清風光隨處堪圖畫那羨山陰道上行

己亥秋恭詣

行在叩覲

天領歸程進古北口記

恩作

朝回銜

命入關門馬上吟詩好記

恩虎帳宵嚴人盡肅

龍顏曉霽語常溫幾番艱險言難罄兩次敷
陳達

至尊弧矢從來男子事終軍有志我曾存

見秋田茂盛可卜豐收喜而有作

七月歌流火秋田萬寶成排莖新翠碧結粒
顆珠明秀色千町滿香風十里迎待看場圃
築比戶慶豐盈

柳

碧柳青青綴弱絲微風搖曳更多姿參差欲
舞輕無力懶似妝樓睡起時

途中口占

策馬垂鞭款款行西風吹送馬蹄輕每經渡

口停舟濟一到郵亭擊柝迎夾道柳疎晴日
麗遠邨人飯暮煙生晚投旅館朝辭去行過
山程問水程

見農家秋田有收作

殷勤祈雨又求晴共禱秋來萬寶成
禾登塲圓滿欣々婦子慶豐盈

旅宿口占

日落空山後行人歇晚程
紙窗如粉白短燭

引燈明夜靜無人語
却喧是大聲暫休猶未
穩忽報曉鷄鳴

路過芹泉驛小憩却傍書室館師聞有
官至先行避去留題

參差繞砌滿秋英
只見齋頭筆墨橫
問爾先生何處去
須知我本一書生

己亥八月詣太原值省試作

輕陰細雨桂花香
士子紛紛赴棘牆
題名艱

深難得句文機活潑迅成章日長鐘鼓傳高閣
夜靜吟哦滿號房二十年前曾處此此中
甘苦豈能忘

乾隆己亥秋

皇上七十萬壽恩科也自八月朔後陰雨不止
至諸生入闈之期天忽放晴喜而
有作

連日愁多而今朝喜乍晴雲開山色見漲減

水流平花亂蝶來舞林喧雀有聲英才須努力莫負此清明

次靈石縣

碧山兩面似屏風汾水西流却自東瓦屋參差青翠裏木航上下素波中邨煙連絡鄉居近驛道紫紆

帝關通到此停驂諏往事慣聽人說遇英雄

相傳虬髯遇李衛公壹妹於此邨寺中今有塑像路傍石碣誌其處

將抵里門作

金風玉露桂花天行近鄉園馬足遄夜夢莫
愁途路遠到家明日月剛圓

乙亥重陽日同甄孝廉何二尹率諸子

姪登里東
文昌閣聯句

登高連步會文昌

甄起山

童冠相隨意興颺

豈有狂風吹落帽

何滋圃

却因叢菊伴飛觴

雲山四面迎佳氣

竹軒

煙樹千家帶夕陽數

載題鮫留越雋

蜀起山

督

竹軒

數載

故云

今朝

燕

飲敘堯疆茱囊喜教兒

童

佩

滋圃

畫閣

迴思

祖父襄

文

昌閣

係

竹軒

日暮

歸來

聊小集

軒

共看明月煥星光

起山



滇行集目錄

詩三十首

詣滇南豫省途次口占

麗陽驛道中

明妃村詠古

江行

見楚人取水灌田竟日手足忙迫勞力
甚苦乃於其時擊鼓鳴鑼唱歌藉以

慎行集

目錄

尋樂助興因而有作

江陵張丞相

喜雨

晚發澧州

武陵道中

擬消夏詩

贈福制軍

辰沅道中

夜行

雨後

芷江阻雨

苦雨

黔陽道中

飛雲洞小憩

響琴峽

將至滇南寄舒制府時已有北上之

命

瓶花

喜晴

至滇南勝境

庚子八月監臨滇南鄉試至公堂翫月

口占

壬寅三月朔日詣松華壩觀元咸陽王
分水石工

八月放舟昆海抵太華山麓隨登山至
寺時值桂花盛開口占
九日海山閣登高

滇行集

竹軒劉秉恬著

余以乾隆己亥小除夕履西安任閱三月而拜調撫滇南之

命長途跋涉述所經見其詞云爾

詣滇南豫省途次口占

纔別秦關歷汴京層山疊水動離情前途渺渺從何止舉步惟知順理行



麗陽驛道中

麗陽古驛路悠悠，夾道林泉清且幽。今夕石
橋人暫住，石橋地名來朝策馬到荊州。

明妃村詠古

山水清佳產美人，可憐當日往和親。玉容一
去悲花老，青冢長留看草新。異域豈知光彩
麗，漢宮全失畫圖真。我來到此情難已，四韻
吟成也效顰。杜工部有明妃村詠古之作

江行

江面平鋪似鏡明
江船如駛順江行
微茫岸樹天將暮
最動離人無限情

見楚人取水灌田
竟日手足忙迫勞力
甚苦乃於其時擊鼓
鳴鑼唱歌藉以
尋樂助興因而有作

擊鼓鳴鑼復唱歌
手忙足亂轉晴波
世間惟有農夫苦
苦裡如斯樂若何

江陵張丞相

荆江相業至今傳
當日奪情豈偶然
可笑書生多物議
不思國計賴臣賢

喜雨

日來天惜澤
待澤正情殷
忽得甘霖沛
欣看氣象新
涼生人意爽
潤壓馬蹄塵
更喜秋堪望
深維造物仁

晚發澧州

今日還須趕一程
垂鞭又出澧州城
層山樹色千重翠
繞地河流一帶明
雲吐晚煙人意爽
風回殘暑馬蹄輕
不愁日落前途渺
月色溶溶更適情

武陵道中

花韻松幽水竹閒
輕舟一棹近依山
眼前已足供吟賞
况復桃源咫尺間

擬消夏詩

日來炎熱正堪嗟誰是清涼第一家當午敲
詩能解暑對花浥露勝烹茶微風入室飄輕
幌明月橫窗印碧紗於此已如登玉宇何須
更問水之涯

贈福制軍

相家公子

將家才

平安兩金川之役公以少
司農督兵屢立戰績大

告歲

男男世服

恩封嘉

近自

朝端擁節來

恩下

九重滋草木，今行六詔走風雷。
當年幾駐皇華館，公曾出使滇省數次此日新都御史臺。
緩帶輕裘先哲度，知君氣象早兼該。

辰沅道中

垂鞭盡日在山中，變幻山容迥不同。
每仰崇峰如主宰，迴看衆嶺似兒童。
泉多上下皆宜

稻林密高低半是桐問客因何來跋沙黔滇
驛路此由通

夜行

晝行炎熱夜微風月色溶溶燈色紅為愛清
涼忘路遠鷄聲已度漏聲中

雨後

倏忽涼風急雨過四圍山色碧於螺農夫歸
去天將暮犁柄挑肩挂綠簑

芷江阻雨

一夜滂沱漲急流
芷江不敢濟輕舟
郵亭兀坐心如火
不住催人問渡頭

苦雨

連日濃陰罩嶺頭
滂沱之後又無休
中宵輾轉難成寐
點點聲聲滴客愁

黔陽道中

地無三里平
天亦罕逢晴
石磴層層上
山泉

處：鳴晦明時，變態風雨，苦多情，將比蠶叢路，尤為不易行。

飛雲洞小憩

洞在黔省黃平州境內

洞口經過驛，駛遄偶來小憩，思飄然飛雲，不去塵心，定忽聽鐘聲出梵煙。

響琴峽

在黔省平越境內

山水清佳處，天然奏雅音，不彈流水調，自有響泉琴。翠嶂雙峰秀，青溪百尺深，到來心跡

靜坐聽樹移陰

將至滇南寄舒制府時已有北上之

命

意氣平生最契投巴山夜雨話無休昆明池
畔欣相遇班馬期君為我留
一回相見一回歡無奈離多聚會難計日琴
尊宜盡興待看庭樹月團圓

瓶花

幾枝穠艷映疎櫺無限嬌姿貯膽瓶更有惜
花人愛護任他風雨不凋零

喜晴

連宵陰雨坐愁中今日雲收淨碧空濕退征
衣人意爽馬蹄輕處御微風

至滇南勝境

六詔威名自古傳而今久已息烽煙山輝金
碧饒佳氣地種桑麻盡沃田萬里舟車來

北關千重雲樹倚南天回思十二年前事風

景依稀似昔年

往從經畧傳忠
勇公於役至此

庚子八月監臨滇南鄉試至公堂翫月

口占

鏢闌月影雜燈光多士林、射策忙今夜平
分秋色好看誰折得桂枝香

壬寅三月朔日詣松華壩觀元咸陽王

分水石工

輕寒輕暖暮春天小隊循遊沙大川兩岸農
夫饒樂意多因滄海濟桑田

看山要自最高處觀水須從極遠源不到松
華探故事那知遺澤利元

八月放舟昆海抵太華山麓隨登山寺

時值桂花盛開口占

旭日曛曛破曉天輕舟穩泛淨無煙四圍水
白連山綠風景依稀似去年

去歲八月
亦有此遊

盤旋鳥道躋山巔殿宇清幽真是仙更喜花
開香十里瑶林碎錦白雲邊

九日海山閣登高

登樓極目渺無窮歷歷山河一望通尤喜重
陽多勝事菊花泛酒醉臨風